

Codex Laureshamensis Teil: Bd. 1, Einleitung, Regesten, Chronik Nr. 50 (Reg. 3531)

In nomine sanctae et individuae trinitatis. Arnolfus divina favente gratia rex. Si loca divino cultui mancipata nostro iuvamine levamus, et de terrenis causis quas deo annuente consecuti sumus, augere satagimus, non solum in hoc regium morem decenter implemus, verum etiam et ad temporalem vitam feliciter deducendam, et ad aeternam beatitudinem promerendam hoc nobis profuturum esse liquido credimus. Quapropter omnium sanctae dei aecclesiae fidelium presentium scilicet et futurorum cognoscat prudentia, qualiter nos pro remedio animae beati aui nostri Hludouuici, et christianissimi genitoris nostri Karlomanni, fratrumque suorum, nec non et pro nostra aeterna remuneratione, quendam fiscum proprii iuris nostri, nominatum Bruochmagat in Elisatia, ad sanctum Nazarium qui requiescit in monasterio nuncupato Lauresham, sito super fluvium Wisgoz, per hoc nostrae auctoritatis preceptum tradimus atque donamus, cum ecclesiis et edificiis, cum mansis et mancipiis omnibus utriusque sexus, cum terris et agris, campis cultis et incultis, pratis, pascuis, silvis, aquis aquarumve decursibus, molendinis, piscationibus, vel cum uineis omnibus, viis et inviis, exitibus et regressibus, mobilibus vel immobilibus, quesitis vel inquirendis, et cum omnibus iuste ac legitime ad ipsam prefatam curtem aspicientibus; ea videlicet ratione, ut ipsa Roddrudis dilecta consanguinea nostra ea omnia quamdiu vivat securiter in beneficium habeat atque possideat; post suum uero discessum ad memoratum mox remeet cenobium, quatinus illius sancti loci fratres pro nobis iugiter et antecessoribus nostris exorare, et anniuersariis diebus elemosinam facere delectet. Et ut hec nostra largitio firmior habeatur, et diligentius conservetur, manu propria nostra subter eam confirmavimus, et sigillo nostro assignari iussimus. Signum domni Arnolphi M. serenissimi regis. Aspertus cancellarius ad vicem Theothmari archicapellani recognovi. Data V^a kl. decemb. Anno dominicae incarnationis DCCC⁰LXXX⁰VIII⁰. Indictione VIII^a. Anno vero III⁰ regni domni Arnolphi serenissimi regis. Actum ad Wezzinloch in Christi nomine. Feliciter. Amen.